

大雪賦

古水

癸巳年冬月初四 / 2013-12-06



律中黃鐘兮，數六老陰；

日躔北陸兮，星昴南空。

朔堊始坼兮，氷壯雪盛；

坎氣初隆兮，肇跡寒風。

太陰盡陞兮，鷓鴣不鳴；

伏陽微益兮，文虎斯交。

樵彼空山兮，難析薪炭；

反我中園兮，何循錫簫。

衆以余得樂兮，孰意我心之悵鬱；

久悱憤乎中懷兮，結纏緜竟無與述。

職事三歲而懣煎兮盍早去；

胡爲憚前路兮守幽囿。

瀋波既已凝涸兮，河漢尙廣；

奮余身以跋浪兮，一葦足航。

于戲！歲且暮兮我猶少；

安有顛墮失所兮長潦倒！

仲冬初四